

釋氏源流

下

释氏源流 一函二册

编集 明·宝成

出版 中国书店

北京琉璃厂西街十八号

印刷 杭州富阳古籍印刷厂

发行 新华书店北京发行所

一九九三年十月

ISBN 7-80568-320-4/B·16

定价：180 元

釋氏源流卷下



諸祖遺芳 一

序曰佛之道本常而未始離乎世相推遷之際自大覺世尊釋迦如來雙林入滅大法東流震旦之始自周昭王甲寅佛誕舒光穆王壬申佛滅地動漢明帝金人入夢是以諸祖繼出傳持此道若摩騰譯經圖澄神異天台智顗大弘法花菩提達磨傳佛心印玄奘取經慈恩製論昭慶靈芝傳持戒律清涼賢首弘闡華嚴百丈創立清規四明中興教觀皆承佛力以慈悲為本度苦為用令諸衆生捨邪從正改惡遷善離苦得樂凡所希求悉能滿願隨其根器方便引導使其修行淨業究竟菩提之道終歸寂滅之場所以住持三寶令不斷絕逮至于今而不息上則聖主賢臣宿稟佛囑常為尊重雖示逆順之迹究本理之歸然後莫能為之泯沒以此道本常也

佛先現瑞 二



周書異記云周昭王二十四年甲寅歲四月八日
 江河泉池忽然汎漲井水溢出山川震動有
 五色光入貫太微遍於西方畫作青紅色太
 史蘇由奏曰有大聖人生於西方故現此瑞
 昭王曰於天下何如由對曰即時無他一千年
 外聲教及此昭王即勅鐫石記之埋於南郊天
 祠前此即佛初生之時相國呂候乘驂騮八
 駿而行求佛因以襁之周穆王五十三年王
 申歲二月十五日平旦暴風忽起損舍折木
 地動天陰西方白虹十二道太史扈多奏曰
 西方聖人滅矣此即佛入涅槃之相又春秋
 魯莊公七年夏四月恒星不現夜明如日乃
 西方文殊菩薩於雪山化五百仙人而歸放
 大光明良由佛有真應二身權實兩智三明
 八解五眼六通神用不可思議法號心行處滅其道運
 衆聖於泥洹其力也接下凡於苦海魏魏蕩蕩可畧言焉

梓潼聞佛

三



梓潼化書云予之在朝也聞方外之言曰
西方之國有大聖人不言而自化無爲而
自理以慈悲爲主以方便爲用以齋戒爲
常以寂滅爲樂視生死如朝暮等思譬如
夢覺無憂喜忿懣之情蓋知浮生不久求
於無生者也予嘗慕之及辭榮而歸道逢
隱者行且歌曰朝陽之暇觸石生雲初爲
髣髴已而繽紛隨風而出蕩漾無垠俄變
化以歸尽杳不知其所存伊仕者之利祿
忘其勞而駿奔忽暮景之見迫向大限之
後巡將投足於幽趣爲異類之芸芸予聞
之而泣謝謂之曰適聆妙理深契愚衷願
惠格言以度殘喘乃於通衢百拜而力慄
之行歌子仰天而嘆指予以心印授予以
正訣曰此西方大聖人歸寂法也子能念
而習之可度生死死而不亡證無量壽果
終於彼岸則可成正覺若中道而廢則猶
能擇地而處亦可爲神仙予受教焉

列子議聖

四



列子書云。吳太宰嚭問孔丘曰。夫子聖人歟。孔子對曰。丘博識強記。非聖人也。又問。三王聖人歟。對曰。三王善用智勇。聖非丘所知。又問。五帝聖人歟。對曰。五帝用仁信。聖非丘所知。又問。三皇聖人歟。對曰。三皇善用時政。聖亦非丘所知。太宰大駭曰。然則孰為聖人乎。夫子動容有問曰。丘聞之。西方有聖人者焉。不治而不亂。不言而自信。不化而自行。蕩蕩乎。民無能名焉。議曰。若將三皇五帝。必是大聖。孔丘豈含隱而不說。便有匿聖之誓。以此校量。推佛為大聖也。又老子西昇經云。老子謂尹喜曰。聞道乾竺。有古皇先生者。吾之師也。不生不滅。善入無為。綿綿若存。善入泥洹。還乎無名。吾今昇就。亦返一源。老子知有釋迦。所以捨官西赴。還乎無名者。涅槃之理。返一源者。不二之稱。一中之本。真如之本。真如之體也。故老子遙尊釋迦為吾師也。




梓潼遇佛

五

梓潼化書云予前世以呂氏冤對陷害平民五百餘戶計二千餘命皆係冤枉玉帝命賜譴予為叩池龍身體廣大無亢可容烈日上臨內外熱騰八万四千小蟲啞齧不已宛轉困苦不記春秋一日五色雲氣浮空而過中有瑞相金容萬靈諸聖隨衛前後咸謂予曰此西方大聖正覺世尊釋迦文佛今以教法流行東土隨教化身將往中國爾既遭逢宿業可脫予遂起改悔心生悲愍念身自踴躍詣世尊前具陳往昔報應之理世尊答言善哉汝於向來出家忠國作大饒益又復閔世生護持心因果未周仇敵相爭以人我想肆興殘忍迂怒于物業情常償今復自悔欲求解脫汝於此時復有前生冤親之想與夫真慧愚痴念否予聞至理心地開明內外豁然如虛空住無人無我諸念頓息自顧其身隨念消滅得灌頂智得大辨才得神通力

明帝感夢

六



佛祖統記云後漢明皇帝永平七年帝夢
金人身長丈六黃金色項佩日月光變化
無常飛行殿庭旦問羣臣以占所夢太史
傳毅奏曰臣聞周昭王之時西域有神其
名曰佛陛下所夢將必是乎帝以為然即
遣中郎將蔡愔秦景博士王遵等一十八
人往使西域尋訪佛法蔡愔等於彼中天
竺大月氏國遇見摩騰竺法蘭得佛面像
梵本經以白馬馱經還于雒邑明帝甚加
賞接館于鴻臚寺騰蘭以沙門服謁見帝
問摩騰曰佛出世後何以化不及此騰曰
天竺迦毘羅衛國者三千大千世界百億
日月之中三世諸佛皆於此出天人龍鬼
有願力者皆生於彼受化悟道餘處佛雖
不往然光相及處或五百年或一千年後
皆有聖人傳佛聲教而往化之帝大悅勅
維陽城西雍門外立白馬寺以居之是漢
地傳法之始也摩騰始譯佛經四十二章



比法焚經七

佛道論衡云漢永平十四年正月一日五
 岳諸山道士偕善信等上表請與西域佛
 道角試優劣勅尚書令宗庠以正月十五
 日大集白馬寺帝設行殿于寺南門立三
 壇道士於東壇置經子符籙摩騰於道西
 置壇安經像舍利中壇奉饌食奠祀百神
 道士遊壇泣曰主上信邪玄風失緒敢延
 經籙於壇以火取驗即縱火焚經悉成灰
 灰道士相顧愧服將欲昇天隱形者無力
 可能禁効鬼神者乎策不應及焚佛經光
 明五色直上虛空盤旋如蓋遍覆大衆映
 蔽日光摩騰法師涌身虛空廣現神變于
 時天雨宝花天樂嘹亮大衆咸悅歎未曾
 有皆連法師請說法要法蘭出大梵音歎
 佛功德說善惡諸業皆有果報六道三乘
 諸相不一以說出家功德造立佛寺同梵
 福量太傳張衍謂道士曰卿等無驗宜從
 佛教道士呂惠通等並求出家帝可之



漢書論佛八

廣弘明集云引後漢書郊祀志曰佛者漢言覺也將以覺悟群生也統其教以修善慈心為主不殺生類專務清淨精進者為沙門漢言息心別髮去家絕情洗慾而於無為也又以人死精神不滅隨後受形所行善惡後生皆有報應所貴行善以練其精神練而不已以至於無生而得為佛也佛身長一丈六尺紫磨黃金色項中圓日月光變化無常無所不入故能化通萬物而大濟群生也有經書數千卷以虛無為宗包羅精粗無所不統善為宏闊勝大之言所求在一體之內所明在視聽之表歸依玄微深遠難得而測故王公大人觀生死報應之際無不懔然自失也又魏書云其佛經大抵言生生之類皆因行業而起有過去當今未來三世也其修道階次等級非一皆緣淺以及深藉微以為著率在於積仁順道常慈習虛靜而成通照也


北京順天府宛平縣
萬佛寺二茶和尚
信官道爺魏紹芳
比丘洪文全利施



邾亭度蟒九

高僧傳云漢安息國沙門安清字世高本
世子當嗣位讓叔父出家聰敏好學外國
典籍無不綜達既而遊方遍歷諸國以漢
桓帝建和四年至洛陽值靈帝末閔洛擾
亂因附舟至庐山度昔同學邾亭湖廟
神靈甚能分風送往來之舟會蟻舟奉牲
請福神降語曰舟有沙門可上來高至神
曰吾昔與汝俱出家學道吾好施性多嗔
今為廟神周迴千里皆吾所轄報形極醜
旦夕且死必入地獄吾有絹疋并雜寶物
可為代我造塔建寺使我生善處高曰何
不出形神曰形甚醜異衆人必懼高曰但
出神從帳中出頭乃是火蟒不知尾之長
短至高膝邊高出梵音贊頌願蟒悲淚
如雨高即取絹疋寶物辭別神即過命暮
有一少年上船長跪高前受其咒願神報
曰得一離惡形生善處已後人於山西澤中
見一死蟒頭尾數里高至豫章建大安寺

牟子理惑十



弘明集云漢牟子隱居賦志佛道著理惑
篇或問曰何謂為佛牟子曰佛者覺也猶
言三皇神也五帝聖也問曰佛道至尊至
大堯舜周孔曷不修之乎六經之中不見
其辭子既耽詩書悅禮樂奚為復好佛道
彼豈能踰經傳美聖業哉牟子曰書不必
孔子之言藥不必扁鵲之方合義者從愈
病者良君子博取眾善以輔其身子貢曰
夫子何常師之有乎堯事君禱舜事務成
旦學呂望孔子學老聃亦俱不見於六經
也四師雖聖比之於佛猶鳥獸之於麟鳳
也而堯舜周孔且猶與之況佛之智見窮
諸法原與焉捨而不學乎問曰佛道至尊
無為淡泊世人多譏毀云其說廓落難用
虛無難信何也牟子曰至味不合於眾口
大音不比於眾耳韓非以管窺之見而謗
堯舜接輿以毫厘之今而刺仲尼皆耽小
而忽大者也聽者之不聰視者之不明矣



康僧舍利 十一

出三藏記云。吳康僧會。先康居國人。父因
 商賈移于交趾。二親並亡。既而出家。篤志
 好學。明練三藏。赤烏四年。至建業。營立茅
 茨。設像行道。有司奏曰。有胡人入境。自稱
 沙門。事應驗察。權曰。昔漢明帝夢神號稱
 為佛。豈其遺風耶。問曰。佛有何驗。會曰。佛
 晦靈迹。忽逾千載。遺骨舍利。神曜無方。權
 曰。若得舍利。當為起塔。如其虛妄。國有常
 刑。會請期七日。潔齋靜室。以銅瓶加几。燒
 香禮請。至三七日五更。忽聞瓶中鏗然有
 聲。會自往視。果獲舍利。明旦呈權。舉朝集
 觀。五色光焰。照耀瓶上。權手自執瓶。馮子
 銅盤。舍利所衝。盤即破碎。權肅然驚起。曰
 希有之瑞也。會進曰。如來舍利。威神豈直
 光相而已。乃刻燒之。大不能焚。金剛之杵
 不能碎。權取鉄砧。碓上。使力士擊之。砧
 並陷。舍利無損。權大嗟服。即為建塔。始有
 佛寺。故曰建初寺。由是江左大法遂興。



三教優劣

十二

佛道論衡云。吳主孫權問尚書令闕澤曰。漢明已來。佛教入漢。既久。何緣始至江東。澤曰。佛法初來。五岳道士。與摩騰。角力。道士不如。費叔才等。自感而死。門徒歸葬。南岳。不預出家。無人流布。後遭漢政。陵遲。兵戎。不與。佛比。對否。澤曰。臣聞魯丘。丘者。英子。得與。佛比。對否。澤曰。臣聞魯丘。丘者。英才。誕秀。聖德。不群。世号。素主。制述。經典。訓導。周道教化。來棄。師儒之風。澤潤。古今。亦有。逸民。如。許成子。原陽子。莊子。老子。等。百家。子書。皆修身。自翫。放暢。山谷。縱汰。其心。學。歸淡泊。事。乖人倫。長幼之節。亦非。安俗。化物之風。至漢景帝。以黃子。老子。義。解。尤深。改子為經。始立道學。勅令。朝野。悉誦。誦焉。若。佛。孔。老。二教。比於佛法。遠則遠矣。所以然者。孔。老。二教法。天制用。不敢違。天諸佛。設教。天法奉行。不敢違。佛以此言之。實非。比對。明矣。吳主大悅。以澤為太子太傅。

善惡報應

十三



出三藏記云吳主孫皓嘗震欲燔塔廟群臣僉諫佛之威力不同餘神康會感瑞大皇創寺今若輕毀恐貽後悔皓遣張昱詰會會挫其辭皓召會問曰佛教所明善惡報應會曰明主以仁德治天下則赤鳥翔醴泉涌嘉禾出善既有應惡亦如之為惡於隱見得而誅之為惡於顯人得而誅之易稱積惡餘殃詩詠求福不回皓曰周孔既明安用佛教會曰周孔雖言畧示顯近至於佛教則備極幽遠行惡則有地獄長苦修善則有天堂永樂皓無以酬他日宿衛兵治園得金像皓曰今是四月八日將飛尿浴佛以為笑樂未暮陰處腫痛卜曰言犯大神禱祀諸廟而苦痛彌劇宮人曰陛下就佛求福否皓曰佛神大耶宮人答曰佛為大聖天神所尊皓心遂悟即迎像置殿上香湯洗數十遍燒香懺悔少頃所痛即愈請會說法及受五戒重修塔寺



鄭山舍利

佛祖統記云晉劉薩訶
 家屠獮為業專懷殺心
 卒二人引向西北
 人左右言是觀世
 罪重應入地獄受生
 今洛陽齊城丹
 吳中二石佛像
 得免先罪不墮
 仁寺出家改名
 寶塔感舍利放
 覓至鄭縣烏石山石
 忽有室塔從地涌出靈塔相
 而非石高一尺四寸廣七寸
 周天金中懸室磬安佛舍利塔
 是諸佛菩薩聖僧金剛護法諸神等像
 極微細瞬目注睛乃有百千像現面目手
 足咸具備焉可謂神功聖迹非人智所及
 也凡求現者莫不目覩舍利出現於塔內

著域治病十五



神僧傳云晉僧著域天竺人也自燕天竺
至于扶南經諸海濱寒及交廣並有異
既連襄陽欲渡過江船人見梵僧衣服破
弊竟不肯載船至北岸域亦已渡前行見
兩虎虎耳掉尾域以手摩其頭虎下道
而去時衡陽太守滕永文在洛寄住滿水
寺兩脚攣屈不能起行域往視之即以楊
枝拂水誦呪三遍以手搦膝即時起行寺
中有枯樹數株域即向樹呪之樹即榮茂
開花有人病癰將死域以鉢著病人腹上
白布通覆之呪願數遍病人即活洛陽兵
亂薛還天竺洛中沙門數百人各請域飲
食域皆許往明旦五百舍皆有一域始謂
獨過未相辭問方知分身赴矣既行諸僧
送至河南城域徐行道者不及域乃以杖
畫地曰於斯別矣其日有從長安來者見
域在彼寺中後有賈客胡濕登謂於是日
將暮逢域於流沙計已九千餘里矣